

瞿忠宣公集

瞿忠宣公集卷八

桂林詩

乙酉清和十四日僑寓西湖積雨浹旬廿五日始渡
錢塘過富陽桐廬以迄蘭谿無日不在烟雲發鬣
中舟行景移目不停瞬無暇捉筆夏五西安道中
追紀其槩得二十六韻

十日住西湖烟雨飽餐目舟發錢塘江雨勢彌翻覆富春
桐廬秀白雲晝夜宿巒容隱現間奇幻遙相逐蓬窗左右
顧前後又環簇一顧一叫絕嘗恐舟行速懸瀑落層巔珠
璣千萬斛玉龍各鬪勝百道橫山腹平生說匡廬何必匡
廬獨奇松恣偃仰老虬紛聚族怪石突嵯峨虎豹蹲山麓
奔濤如怒猊遇險還成湫急湫費支撐篙師力屢感山好

開平衍村居團草屋美樾雜新篁秀色真堪掬清瀨燭鬚
睂水碓轉轆轤墟里濕炊烟谿雲互騰伏閭境總幽異無
一是重複翻嫌應接疲指數難更僕林居厭宦遊蝸守甘
空谷自別桐江來週年廿又六今遊非昔遊世宙幾沉陸
溪山故不改獻態百千條領略情較殷描寫慚筆禿朝來
聽水聲詩興偶咳或聊以紀時序敢恃山靈熟

積雨不止水勢滔滔舟適流川陸莫辨卽用前韻

書懷時五月望後一日也

奔浪雷轟耳捲濤雪耀目舟行樹頂上高下疑反覆四望
白瀾瀾終宵愁水宿人生水上鷗一任東西逐爭學三家
村兒女共一簇壯遊得奇觀豈必計遲速船窗書數卷牀
頭酒盈斛把卷復持杯儘足充饑腹同行不乏人得趣子

偏獨風波是我友魚蝦是我族逆流性所便巨浸等林麓
回思患難中經過幾險汎四方况多故欲騁先威感滄海
真橫流誰能保茅屋白髮已千梳丹心存一掬屏營不成
寐攢憂如轉轆治亂互乘除禍福相倚伏人事盡如此天
道寧嫌復挽回終藉人載輪還顧僕莫遂感滄桑莫徒歎
陵谷氣數會須轉疇云遭百六眨眼洪波退依然是平陸
早潦變須臾烟雲伺忽條推蓬仰天笑脫帽頭顱秃伸紙
續前詩墨光騰或或童子睡初回報道茶方熟

病中感懷

國破家何在干戈載路橫中華同異域絕微念周京漢祚
須終復真人不偶生南陽恢復物靈武奮親征得道應多
助中興展大成人心疑似渙物力苦難贏百越勤征繕全

閩竭金鑑天兵稽迅掃藩將擁虛名西楚餘氛熾東吳正
朔爭入關徒想望關國竟何曾陵寢衣冠淚動封帶礪盟
崇階盈仕版僉父盡簪纓詔令頻煩改皇華絡繹迎規模
空粉飾皮骨曷支撐吏雜生民擾權分主爵輕焦勞憐黷
展嘯諾任公卿大局紛靡結前車葬不更憂傷心似擣迷
香病如醜荒服長鯨剪孤臣走狗烹餘生萍蒂逐故國夢
魂縈鱗雁經年斷腥膻甚日清從龍慙厚福招鶴有深情
載種東臯菊還聽北垞鶯圖書消永晝晴雨慙躬耕勝日
尋山屐良朋話舊觥杳然成隔世聊復漫經營

丙戌清和遊昭州珍珠巖追紀二十六韻

粵西山川稱詭特討勝搜靈恣獵弋桂林巖洞甲諸山昭
州更訝未曾得迎仙洞闢珍珠巖籃輿未往神先卽萬峯

疊翠俯平田廿里峯迴路轉仄巍然突起一峯尊峭蒨龍
蔥多異色崖南豁開兩洞口下方遙睇黝如墨捫蘿拾級
試一登石室千尋杳無極弘敞虛明眼界開如翬飛兮如
鳥革陂陀曲折斷復聯前門後戶光吞蝕層層起案鎖園
關面面玲瓏如鬼刻懸乳垂纓象萬千滴水紋聲縐如織
石牀丹竈安排好髣髴羣仙來降陟土人何事滓山靈傀
偶居然玉柱逼重開生面快須臾坐石摩挲三歎息其傍
俯瞰深無底有洞矐矐開左翼憑肩接踵下層梯一步一
迴難認識翻身仰視上方人分明指畫蓬萊域四壁蓮花
誰削成明珠翡翠環羅側洞中有洞路連通探幽豈憚窮
昏黑撫松偃僕入深潭拍手狂叫足忘踏金膏玉屑光熊
熊殊形詭狀翻迷惑卻疑仙迹幻鑪錘還訝天公巧埏埴

勝地從來誇勝遊
宦遊茲地緣非膏
林巒面目罕曾諳
冠纓塵土何繇拭
今我來遊得到此
開榛闢莽非人力
作詩聊以紀歲時
猶愈搜奇徒耳食

昭州郡守梁君襄明邀余大士庵看竹庵故銓部唐公別業涼風習習竟忘身之在炎方也卽席賦贈二首以紀其遊

祇園修竹萬竿圍
複徑重岡隱翠微
嫩色娟娟深映席
冷香細細漫侵衣
籜冠好製商林臥
羽扇輕搖聽屑霏
一刻清涼真淨土
澹然相對欲忘歸

蒼虬千尺壓琅玕
翠重烟深五月寒
好鳥自譚方外語
名花如接坐中懽
慙慙畱樂土
供閱賞願乞餘年
伴懶殘
忽憶江南風景似
啣杯清淚不勝彈

丙戌夏六月余以得代請告候朝命梧江念丁光三
鄭大野相別數月爰以扁舟過端州訪之二公喜
出意表布席閱江樓次日攜尊訂遊七星巖適曹
石帆憲副亦至同遊攬勝得未曾有歸舟口占數
律以紀其事閱江樓則別有述也

依巖鼎構一琳宮妙麗莊嚴擬議窮物力縱饒須福力人
工盡處卽天工六時梵唄清塵慮十里蓮香送晚風未劫
幸畱茲淨土何當披髮早皈空

桂嶺諸巖夙擅奇爭如此地曠而夷迴岡複嶂隨身護遠
水平疇四面宜風物江南憐劇似心情旅客輒頻移若還
插柳長堤徧粉本荆關與大癡

傑閣懸崖逼絳霄丹霄縹緲望中遙龍宮鐘鼓天然響鳥

道關門一線堯古樹穿根蟠石罅斷橋聯筱接山椒夕陽
西下尋歸路回首靈區轉寂寥

閱江樓二首

高閣憑空俯大江晴巒擁翠入虛窗北瞻斗象星巖七南
矗文峯寶塔雙奇樹正堪凌傑構鉅觀端合鎮雄邦竭來
消暑長風下塵慮煩襟一霎降

軍賓嘉會自公餘醺酒登高攬勝初千里江山俱入眺四
時風月肯教虛滕王帝子今何在黃鶴仙人久失居嶺表
愁遺蓬島地來遊切莫等蘧廬

曹石帆同遊七星巖次日以詩見投依韻和之

粵客應奢荔子裳星巖同泛竹枝觴烟雲倏現浮生相邁
軸多將好夢藏塵下會驅時令溥履間頻染野花香功名

泉石知誰是笑語山靈慢短長

中土腥氛染帶裳秦淮何日再浮觴相看共有新亭淚取
次將無蓮社藏渚可搔青知是謝山能款白便名香靈區
勝會良非偶竟日忘歸興倍長

再次石帆遊七星巖韻

遂初裁就芰荷裳選勝同人拉舉觴戎馬中原方極亂林
上何處尙堪藏閒看定水消煩渴靜禮空王染戒香一座
蘭言千古誼臨期握手意偏長

捫梯攀磴數寒裳茗戰初酣豈暇觴堯率諸天容易到維
摩丈室儘堪藏閒身共結筠蘿契靜坐時聞簷蔔香出岫
白雲遲有意松風若爲掃愁長

精藍歷徧解衣裳且就荷筒緩進觴空翠細縕排戶入孤

花幽倩傍巖藏漫從野水循扁葉遙指層臺出妙香月印
前溪歸路杳上方鐘鼓韻何長

巖高冷翠滴衣裳著屐登臨漫舉觴麗構恍從天外出奇
蹤偏向谷中藏夕壇風靜添燈炯曉殿雲開洗鉢香若果
佛容爲弟子吳山粵水莫論長

再疊前韻遣懷

不施巾幘不穿裳把卷澆愁再把觴馳想家園牽夢熟閒
緇古畫引身藏汲泉最喜烹茶滑洗研還貪啜墨香羽扇
輕搖涼意足風來遠水致偏長

再疊前韻夜坐

拂拂輕颺襲我裳病餘那復問壺觴安排枕簟尋幽夢調
伏身心喜白藏蘭茁數叢堪倚玉松蘿一盞勝焚香青山

漸與蓬窗熟坐對閒雲滋味長

再和石帆夜坐

怯寒稚子爲添裳刻燭賡詩可代觴
雨後蟾光雲薄掩風前螢點樹低藏
隔江遠聽鳴榔響鄰舫微聞撥麝香
人競貪眠余獨懶愁心寂寂共更長

再疊前韻感事

匡王亦擬賦同裳且向山靈獻一觴
欲展迂籌前又卻未消熱血吐還藏
祈年願降蘇民雨禮佛先添壽國香
但得清夷還大地桑麻暇日倍舒長

何時介冑易冠裳洗甲旋開在泮觴
虎拜自知尊卣錫麟標寧復歎弓藏
開屯再造宣光業紀代常留姓氏香
莫倚天心終悔禍師中握算會須長

次石帆舟中七夕原唱

兀坐江干日似年閒看谷鳥望林遷烽烟不隔還鄉夢琴
鶴相將泛宅船雪藕調冰何處宴吟風哦月不須錢臨流
倒影窺牛女遮莫銀河落枕邊

中原雲擾及三年遷跡遐荒尙屢遷除是深山謀結屋惟
餘荒渚繫浮船窮愁那得安心法逐日空銷問卜錢乞巧
自知難療拙騰騰任運水雲邊

用七夕韻感事述懷四首

萍泊蒼梧已二年滄桑幻局歎頻遷旌心可對三江水寄
跡惟憑一葉船邊將幾拚酬國創朝官爭辦買山錢孤臣
老病無能役賸有封章到日邊

經營雪耻動經年廟筭雖周屢議遷進止決機弦上矢安

危托命浪中船徵兵到處三千甲饗士終朝百萬錢但願
遇劉歌耆定旂常日麗五雲邊

鬢髮蕭疎感逝年驚心大火又西邊衰顏懶對菱花鏡小
戶聊傾蓮葉船臥影中流窺玉塔流香滿屋燦金錢幽懷
何限清秋裡靜寄蓬窗筆研邊

舟居端不藉長年傍渚依山到處遷最羨烟波漁子艇漫
誇書畫米家船憂來彊撥惟牀甕興至閒行有杖錢旅雁
南征歸去好栖栖何事滯天邊

石帆以余賡詩又出藏畫鑒賞詩以致謝如韻富之
晚涼新沐試彈冠陣雨初收夕照殘但入煩勞成火宅肯
尋閒冷勝冰丸論詩總帶烟霞氣展軸時披雲霧寒最愛
月高山轉黑清光搖漾浪中看

喜著荷衣戴擗冠自憐雙鬢已凋殘暗流有恨乾坤淚閒
送無情日月九酒後歌天猶耳熱夢中觸事亦心寒勤王
無計隨鞭弭嘗把吳鉤仔細看

詠河燈

江燈遮莫焰靈均誰入波心百丈雲遙識火山飛藻焰翻
疑銀漢織星文獨明幾點如岐路互映徘徊似惜羣爲憫
青燐難破暗漾歸幽淚聽風分

畱別石帆卽用前韻

投老江湖廢整冠客心秋色正叢殘白漸浪跡沾泥絮每
羨新詩脫手丸坐對蘭芬能卻暑飛來玉屑便生寒須知
勝友眞良藥莫作尋常旅聚看

八月廿三日端州郡伯朱子暇邀同林六長方密之

徐巢友游七星巖密之以佳什見投依韻奉次

遲勝籃輿已再經移情絲竹幾會聽自憐野水同孤露忽
訝空山有聚星崖下園言叅白雲巖端綺席綴茅亭清游
快集良非偶莫以傷時歎逐萍

東西洞口屐頻經鐘鼓巖邊也試聽浪跡天涯逢舊雨攜
尊山館挹屏星求聲谷鳥廢歌板落日山花醉野亭把酒
殷勤重惆悵東皐何日返流萍

閱世風波總慣經亂離消息豈堪聽遐方遠勝江南地達
者爭看處士星何處容身藏白社相逢掩淚悵新亭聯裾
共話滄桑事爾我同棲一葉萍

琳宮日永靜繙經山水清音豈解聽獵奧扶筇穿石竇攀
崖引岫拂天星每思放浪浮煙艇隨意登臨設幔亭名姓

會須人點綴來游且莫認浮萍

密之新製小舟自題三萍詩用前韻奉次二首

三年危浪拍天經近耗傳來未忍聽製艇自藏同泛宅浮
槎乘便一占星登仙時譜遊仙曲攬勝何須擇勝亭春岸
雲帆隨處好風波從不到閒萍

與客窮搜山海經魚龍靜夜也知聽才名共擬同魁宿淪
隱翻疑是客星泛泛豈能忘擊楫勞勞無復問離亭相期
共入桃源去鐵網從來不釣萍

感懷用前韻

愁來把酒讀騷經隔水笙簧偶一聽野鳥忘機看濁浪天
狼何日寢妖星傷心莫話銅駝事病骨慳遊鐵遂亭亭在武夷
無蒂浮名久已破虛舟且自逐浮萍

不寐二首卽用前韻

宦海風波夢裡經
漁歌一曲儘堪聽
愁多獨坐憐秋月
睡少頻興看曉星
懷古劇談新舊雨
思歸空畫短長亭
退天匏繫心難住
羨殺無情逐浪萍

旅泊荒江味飽經
江風吹送夜潮聽
推蓬倒射中流月
掬水翻搖天上星
城角嚴更何隱隱
沙邊警鶴自亭亭
跳波知爲驚魚網
何事盆魚也躍萍

懷家山二首卽用前韻

最愛茶烟竹裏經
還思鶴唳隔溪聽
殷勤老眼花如霧
蘖軻殘年鬢已星
北嶺瞻雲餘小閣
孤山臥雪有虛亭
夢中指點還鄉日
約略花飛已化萍

從遭烽火想遺經
吉耗遙傳可遠聽
嶺表綸傳三進歷
衡

陽信斷一周星霜催楓樹酣吾谷月落滄波漾小亭日極
鄉園難縮地浮家聊當蟻浮萍

九月朔日和徐巢友舟中紀事一首卽用前韻

閒論碁譜共茶經何處笙歌簾外聽最想江波翻皓月還
憐漁火亂疎星挑燈細展無聲畫送客輕維不繫亭此夕
風光真可醉莫教良聚等漂萍

書事一首仍用前韻

征繕倉皇費不經風謠入告也須聽敲砧淚墮空閨月竭
澤心傷在雷星彙茹諸賢開別館皇華送客滿郵亭同思
吳越繁華地何日扁舟再採萍

訪朱子暇於郡齋適密之巢友先在遂畱過午卽事

賦贈

太守公餘暇衙齋水似清觀碁籌勝局讀史置閒評有客
停車訪開門倒屣迎蕭疎捐禮數繾綣話平生小閣邀同
賞雲茶手自烹圖書饒位置窗檻盡虛明古研畱香細芳
樽瀉乳泓澗荒兼海錯酌醴佐吳羹渾是江南味都忘粵
客情蘭言冰雪冷華綬羽毛輕何意干戈日猶餘化國城
飛雲賒遠眺問月許尋盟飛雲樓在郡齋後是日向未勝
及登待月樓頭主人約也勝
侶難星聚高秋喜露橫清歌猶有待署中有揚
生善歌佳句擬頻
賡卽事聊爲述風流故可旌

北信杳然中夜不寐口號六絕

自問寸腔猶有血那堪三月竟無君孤臣悲守西陲土竚
想迴鑾讀詔文

廿載沉淪刀俎餘新皇特簡致身初乘輿東幸今何指一

旅猶堪扈屬車

高皇靈爽在天無薦食□□徧雨都誰把江山輕斷送逋
誅猶自辦降□

一年七日好金陵
麟玉騶呵滿路
聆聽得一聲□
騎到隨
鑾護蹕幾人會

三朝翻案快恩仇
國恥君讐一筆勾
要典若還能定國何
緣沉陸歎神州

百萬儲胥養甲兵
開藩設鎮擁虛名
傳聞一矢相加遺靖
國還會蹕□營

丁亥正月初九扈駕西行
夜泊臨平
檢校灘風雨迷
離扁舟獨宿
竟夕不成寐
枕上口占二律以志愁

懷

孤舟風雨夜檢校不分明聒耳灘聲沸傷心燭淚傾笥空
餓鼠嚙蓬掩亂猿鳴臥誦車攻什江神聽或平

寄命風濤險非關利與名君臣千古重生死一身輕鼎奠
何方穩鑿移到處京天心終悔禍翹首泰階平

全陽大捷贈督師何定興

皇圖叶大有耆定啟昌辰獨總元戎畧長驅絕幕塵前鋒
犀甲銳列校虎符鉤懸壘躬爲殿援抱手自親陣嚴□騎
遁城拔燕巢新桂嶺烽初靜湖湘勢已振出車當六月舞
羽捷三旬左次臨南闕中原扈北巡白旄勞尙父青社畀
元臣愧我艱難際欣看寶璽麟

戊子季夏勞師全陽途中卽事

夙昔夢寐全陽松低徊想像如名公連綿百里盤虬龍蝨

蟠蛻蠅羣爭雄偉人杰士寥寥空偏茲植產何其豐仗鉞
西來四載中戎馬變故多匆匆□□不逞九難封山川草
木皆蒙蒙賴有督輔何雲從金戈鐵騎光熊熊灑血一載
苦戰攻掃塵滅跡無遺踪王業開基第一功始安郡城當
其衝馳道蓄翳開蠶叢屏蔽五柞長楊空提書一到入桂
東歡聲雷動喧兒童壯猷元老何從容驃騎冠軍頽彤弓
丹青露布通宸楓往來此道車從從犒師轉餉虛司農全
陽一行予鞠躬我車我馬咸雍雍一出靈川紫翠重青眼
天地開心胸疎疎落落落時蒙蒙上有秀氣如雲籠橫披倒
掛千其容雲霄矗立凌空濛濛圖形繪狀胡能窮天假良緣
與老翁神交故舊初相逢經過不厭看雷同一步一顧情
逾濃時會奏凱鳴鼓鐘漫山物色添菁蔥饒歌動地聲聲

絳旌旗耀日光玲瓏歸入北門仰蒼穹疊綵伏波連城墉
虞帝祠前酒一鍾碧影亂插青芙蓉遨遊勝事因平戎一
時轍跡千年蹤憑軾濡毫詩不工聊紀歲月分春冬欲寄
赤松書一通落紙颯颯來清風

全陽道中古松綿連數百里余神往多年未繇一經
其地戊子季夏全陽大捷余扶病勞師途中因得
縱觀焉先作長歌以紀之已復成近體四首俚淺
不堪聊以引同人之珠玉云爾

青湘古道徧長松百里連綿盡可封直接嚴關當虎豹斜
臨平墅下虬龍菁蔥遠映征袍色歷落高標正笏容遙想
鍾山千萬樹西陲王氣喜偏濃

亭亭千尺鬱千章夾路清風沁骨涼何異山陰疲應接恍

遊秦嶺悉徜徉彌空竿籟鈞天奏徧地芝苓大國香天護
靈根原不偶幾回兵火自風霜

霜皮鐵幹幾千年拂日凌雲直際天翠黛滴來衣欲濕蒼
髯舞去骨疑仙脂零飽吸三危露濤響酣聽萬壑泉媿我
倦遊纔到此便將科跣臥於邊

翠華昔日此經過輦路風光竟若何一自□□嘶鐵騎幾
令漢殿歎銅駝氛塵迅掃開青甸喬木依然帶綠蘿應是
皇靈沾被遠還憑大樹廓清多

戊子十月旣望新興焦侯邀遊虞帝祠金黃門首唱
佳韻依韻和之

森森古翠擁荒祠映日丹楓望陸離列筍層巒環雉堞千
霄老幹舞虬枝屐輕洞口雲開後樽倒峯頭月上時勝地

清遊容易得同人逸興可禁持

怪石懸崖結構安虛亭檻外卽江干平林掩靄孤烟蘊遠
岫蒼茫落日寒酣醉儘堪充小隱癡狂何必礙高冠虞山

兩揖虞山客

子與道隱俱常熟人

莫作天涯萍聚看

祠宇蕭疎迴絕塵孤峯隨意幾閒人窺雲應傍巢松鶴破
浪終同遊釜鱗茶椀酒鎗全部史風簫月槩一江春

子與道隱

子與扁舟泛月而歸

卻憐嶺嶠曾無恙便托荒巖老此身

和朱子暇南薰亭畱別韻

亭在虞山

峭壁斜依秋水深亂餘聊此寄登臨金戈幾度長松下石
虎猶存古殿陰作伴憑闌酬好夜攜樽邀月對高吟愁看
關塞多風噎萬里同酸一寸心

野鳥孤花向晚新天涯萍聚幾閒身荒城濁酒三生夢蠻

微殘山歷劫春古碣摩娑堪尙友寒蟾依約似畱人同心
珍重分飛去指點簷梅索共巡

密之再次虞祠韻復再和三首

欣瞻舜日拜虞祠暫解愁心對亂離客裡詩籌分碣字崖
前酒政寄花枝聊追雒社耆英會絕勝蘭亭觴詠時先輩
風流遺蹟在名山端仗後人持

南燕亭曹
始南重建

每聞北耗漸心安跂聽章江奏舞于南浦雲飛晴日麗匡
廬雪捲瀑光寒待觀定鼎圖麟閣早擬投林製簪冠此席
吳儂居過半虞山只在望中看

山亭頻掃淨無塵徧野梅香冷撲人曉殿雲生龍隱鉞寒
塘水涸洞藏鱗夕暉互換千峯色美醞爭飛四座春賴有
同人能好事高懷頓起病餘身

臘月廿五日雨雪初霽偕方密之朱子暇姚以式同
遊靖邸梅亭酒罷復叨王燕卽席紀事得三十韻
烽息城依舊春來景再新探梅淹積雨融雪趁良辰謝屐
欣初試梁園幸托隣攜尊偕素友屏騎且綸巾步履循山
麓聽歌隔水濱殘英飄綺戶落瓣砌花茵隊舞戎裝炫庭
懸樂部勻夕陽移小幔清沼感微鱗飛醺酬欣賞排肩縱
主賓小伶翻雜譜垂手旋輕身薄醉將歸走賢王促召頻
燒燈過複道簇仗擁車輪美奐新成構芳筵已盛陳賓朋
叨預宴少長盡趨塵蠟燭吹烟煖笙歌遍坐親傳觴周小
戶奏伎絕羣倫撤席方移玉當階又放春琪枝搖檻陸火
樹焰城闌伐鼓喧聲沸看花賀采均來遊真泮渙罷宴尙
逡巡緬邇兵烽日空餘子影民王宮徒鞠草行殿久埋榛

何意荒涼地重逢佳麗晨廊清殊迅速生聚好艱辛紆策
羣賢苦傷心一老貧衣冠多暉就風雅起沉淪興劇清游
慣時乘勝賞因逢場原是假行樂卻爲眞耽管爭撼藻蟲
音亦效顰要知今日會強半再來人

己丑元日和方密之見投原韻

依然閶闔五雲間拜舞欣瞻玉筍班百粵衣冠仍漢殿六
年陵寢隔燕山烽烟此日行銷盡旄節從今可望還猶憶
昨年朝罷後盈庭嚙指說嚴關

戊子元正口距全州諸勳
鎮擁兵嚴關不進而郝逆

尤洵洵
不逞

雲開星動曙光搖瑞靄續紛接絳霄豈爲行都畱地主偏
多名彥拜皇朝羣山百里峯如繡獨樹千年翠未消

行宮
正殿

後一松挺然
秀色從滴

賴有昌黎真史筆摩崖指日頌平遼

再次前韻

寄跡行都仕隱間，荷衣聊復點朝班。
爲防河北畱河內，卻看虞山是故山。
貪餌競憐魚入釣，倦飛偏羨鳥知還。
一帆春水扁舟下，聞道虔州已破關。

三年風雨任飄搖，病翮何堪傍九霄。
閒拉同人搜勝跡，喜聽良史說前朝。
思鄉噩夢醒猶怯，憂國愁腸醉不消。
一壑幾時容穩臥，滕王風便或非遼。

感懷二首 疊元日韻

已拚身置一丘間，白石青松盡入班。
簡點刼餘筭裏畫，依稀星後夢中山。
雲橫春浦扶筇立，月落寒江載酒還。
閒地儘堪隨便隱，休教塵事更相關。

每聞時事便魂搖，矯首雲中鶴舞霄。
何處桃源能避世，尙

思金馬漫趨朝入林有我欣星聚炙手從他看雪消半壁
河山有可恃莫將西土認東遼

不寐

亂後衾無絮風聲到枕寒更長燭燼易夢短曙光難軍國
愁千縷鄉園苦萬端中興應有日吾意在黃冠

獨酌

烽烟連數載鱗雁久浮沉夜雨勞人淚春雲故國心膚功
原泡影絲命寄刀砧痛定還堪慰餘樽且自斟

書懷

有身徒夢役去累得心閒雪盡還成水雲歸自有山綱常
生死際性命友朋間卜隱菟裘在漁莊第幾灣

得南京信

三年歸夢杳喜信到來新自分蠻方鬼終成漢代人詩書
經浩劫忠孝守元身邇說滄桑事還須問往因

東信

風傳多異事齒冷復心寒破口從今易除好自古難逢干
思柱後孤董仗毫端媿乏回天力乘時好掛冠

夜讀

天寒燈焰短霜緊柝聲沉似霧生憎眼如醒轉痛心籌時
資往鏡佐讀喜隣砧悵望中興業依誰是二斟

出郭閑步

畱得餘生在投簪且乞閒白頭堅漢節淨業托堯山桂城東北
里役夢殘鐘外飛鴻落炤間屏騶從所適明月漾前灣

出郭書所見

劫火頻經後江山景物新吠村無復犬問路少行人斷磴
留荒宅頽祠半法身晴梅飛數點春信悟前因

新正十日招方密之朱子暇毛恭則吳青聞朱月生
復遊虞山薄暮魯孺發棹舟攜酒焦瑞亭吳鑑在
繼至泛月而歸密之再用虞山原韻枉投佳咏特
奉和以博一笑

烟橫雲鎖一荒祠繡壁如屏抱不離古澗風迴千壑響寒
潭影落萬松枝登峯極目天涯路藉草高歌日暮時勝地
頻邀無復徑詩囊酒盞共攜持

浮雲久已蔽長安世事瀾翻總不干但使兵戈殘劫盡肯
教泉石舊盟寒憑將竹杖閒挑月試把松枝學挂冠

唐詩
借問

巖前樹何
枝曾挂冠

高蹈不須追往躅南薰好作釣臺看

南薰亭虞
山登眺地

烽烟盡處卽無塵
落落衣冠漢代人
集鳳儘堪誇翮羽
飛龍誰肯效拳鱗
名山又擬將休夏
故國何時好看春
髮短自憐心亦短
忍令虛負再生身

感時三首卽用前韻

連年兵火剩荒祠
人影蕭疎歎此離
磧裏青山拋戰骨
松間白月照寒枝
稱觴幸子怡堂日
灑血孤臣捍牧時
皮骨幾何堪再削
呼庚三載曷支持

百戰爭來一始安

桂林名始安

荒邊何事又稱干
陰燐鬼嘯黃昏雨

瘴嶺人行赤日寒
私闢可須張討伐
中朝能幾得衣冠
河山世憑誰問忍
使殘黎草芥看

口馬南嘶起暗塵
炎方嶺表幾完人
承恩漫下御書鳳
抗節翻嗟暴額鱗
浩蕩不分夷與夏
含弘爭誦帝如春
老臣

無力持綱紀七尺空餘未死身

林六長製小艇名一漚上巳日共集卽席賦贈

山腰雲擁白樹杪黛浮青幸聚乘槎客權爲藉卉亭觥籌
淹夜雨漁火認春星汨汨灘流細聊當曲水聽

蘭盟尋白水萍聚等浮漚節令逢今日風波共此舟幽情
醉酒寄韻事古人畱萬斛還千縷當山且破愁

修禊來佳會令人雙眼青山能供几席舟自泊都亭暮雨
迷春色滄江伴客星濤聲西上遠夜靜待人聽

旦暮習沙鷗升沉發海漚春江能聚客野渡任橫舟謝眺
看雲起陳遵倩雨畱披襟風浩蕩吹散洞庭愁

上巳之集鑑在亦有二詩依韻奉次

泛宅何妨小攢峯不厭多春深修禊事客久憶吳歌日暮

觥無算人開水自波茫茫難托足一任雨翻河

六朝爭戰日曲水亦流觴俯仰維今昔山川何短長灰心
憑酒熱禿髮感時蒼老矣無他術藏身效谷王

積雨初晴密之以新舟相邀春泛卽事二首

春光將盡見晴暉九十繁華過眼稀雨洗愁腸將喜至天
開生面送雲歸巒容川影搖書幌草色苔痕上客衣結伴
行遊今已後纔聞命舫興先飛

喜乘新漲放舟行一路青山逐棹迎谷鳥弄聲林際隱野
花含笑岸邊明烟波上下同漁父酒醖淋漓問麴生待得
月明還夜泛清霜一曲露初橫

三月十一日同密之鑑在諸君遊還珠水月諸洞次

前韻二首

雨霽晴巒蕩蕩遠暉春江如鏡客船稀爲尋古洞牽舟去又
溯流光撥棹歸琴磴穿巖蔽石笋摩碑捫字拭苔衣臨流
俯瞰星堪數矯首南天鳥鵲飛

沿江循麓信舟行水面山容遞送迎絕壑飛雲風倒拂殘
霞返照月爭明酣歌石竈潛虬舞靜對星巖夜籟生迴想
東臯橋上坐淒然萬里淚縱橫

再疊前韻

置酒高亭送夕暉長風吹捲亂雲稀江帆上水依洲泊山
鳥投林帶暝歸醉吐玄譚思戰茗涼生蒼壁忽添衣清歌
一曲遲明鏡石屋梁塵想欲飛

春深結伴送春行水鳥山花著意迎最愛孤峯高閣峙平
臨遠墅夕陽明疎林磬發知僧近隔浦榔鳴覺浪生擬共

白雲巖下宿扁舟一任暮江橫

己丑夏六月吾孫昌文航海而來抵桂林時夫人已辭世二十日矣昌文以哭祖母抱病月餘病小愈因作粵行小紀一篇余見之爲作長歌以志喜又以志悲也

□塵瀕洞天荒荒中華徧地無冠裳南北迢遙隔萬里魚書雁帛何茫茫西郵片土偶然畱隨念中原徒感傷無家那問平安字有翼難飛荆棘旁忠孝繇來不兩全父子各天悲一方努力明德期自勉何必聚首欣同堂我孫方當弱冠年襟期磊落身昂藏少小讀書識大義願從厥父勸勤王經營慘澹志不舒叫呼蒼天時發狂猛欲尋親代父勞不謀妻子不擔囊吳山越水經倏忽八閩兩粵如堂皇

風雪關山鉸骨寒重趼足繭神逾揚瘴海波濤勢拍天出
死入生等尋常志願堅時膽亦隨鬼神時或避其銳問誰
左右吾孫者前有劉生後趙郎以身許人烈丈夫俠氣凌
雲不可當跋涉顛頓數千里期會曾不差毫芒後先離合
巧相遭逆旅窮途慰遠望每當絕處輒逢生人言孝感非
荒唐我自入粵今五年蒼頭一至問安康丁亥春正迄丑
夏萬金烽阻又三霜忽聽文孫航海來疑真疑夢攪衷腸
趙郎先至桂林城吾孫果已到梧陽半年辛苦從頭說說
來不禁淚浪浪最苦荆妻望眼穿一聞孫到心徬徨且驚
且喜又兼悲恨不頃刻立身傍矜遠凝眸三晝夜一夕神
去魂離牀萬里咫尺限一面省親翻作奔親喪人間缺陷
每如此造物顛倒同黃梁吾年六十精已衰鞠躬猶自守

巖疆萬折千磨愁不死日望收京返故鄉國憂家變駢一時
眼枯腸斷神飄揚幸有文孫共晨夕公餘爲我說滄桑
欲哭不哭轉悲深孤燈獨宿衾裯涼天憐老人慰寂寞中
宵枕畔書聲長全永同時俱告恢畱守從今事已襄得請
首丘應旦暮祖孫還憩歸雲莊粵行小紀字蠅頭病眼模糊
看不詳直書偶語付吾孫長歌紀事推髯張

別山張公密之方公道隱金公贈詩附錄

敘粵行小紀

喪亂生材材愈奇尋親有人來自虞文懿五世孫姓瞿
公孫壽明名昌文孝廉曇谷之長君一從大父撫粵軍
遙指粵山峯一羣欲泣不甘哭紛紛好友同鄉趙秋屋
周折爲之籌算熟越山聞海趨南軸那計死生窮水陸

趙子殷然念水菽未敢輕身許予予忽來劍客劉文華
平生慷慨不顧家出門大笑忘天涯相攜南下如乘槎
錢塘門外悠悠水鎮海樓頭微微磬夜深剝啄南屏寺
老僧迎見驚且喜笑曰宵來夢遊子白馬朱衣來到此
熟視吾子母乃是萬里功名從此始平明別去渡錢塘
白鶴村前逐野航前路縱橫盜賊張側身逆上走新昌
極目天台雲茫茫日云暮矣度班竹面面殺聲動地哭
皇皇伏匿山之曲中夜長風雪捲起埋山沉谷沒村渚
飄零隻影寒光裡踏雪三更一百里台州渡海盤盤山
姚巖繡嶺霄漢間威遲壑底不能前腳跛指裂行路難
蹢躅五日經樂清再乘海潮入甌城莽投旅店逢一人
負日獨坐倚前楹欸然對面難爲情母乃都是夢中身

得非零落殘魂形叩之方知自武林取道金華先雨晨
袖出母諭語諄諄言念孱兒獨伶俜更囑趙子同而行
相看泣下復吞聲天其成就忠孝名生此賢母兼良朋
齊登西關一望白望望番舶囊羞澁文華拂袖掛雙舄
目空江山不盈尺往來千里同片席大魚小魚揚波渾
駕波直上衝蒲門沙堤回首驚新魂悽愴中原天地更
獨留日月懸南溟樓船百萬雲屯海旌旆衣冠燦光彩
水上一軍氣百倍僉曰將軍吳雄在劍眉鐵面虎文巾
彈壓鯨鯢干青雲肝膽相照心相洽長年急理西行楫
有舟有舟木作篙笑歌駭亂輕洪濤雪山銀屋紛怒號
危檣百尺凌驚濤一帆千里隨飛鵬漫漫海水忽黃赤
舟人瞪呼交趾迫須臾嵐散煙霧息泉清一抹螺浮碧

限門天界橫沙磧芷葦墟前艤海艘地經兵火村客愁
千家百家煙火收黃雲慘澹東不流選騎疾馳赴梧州
梧州太守眞英偉乘船殺賊若解牛觀此足以馳心憂
江浮海溢三夜雨三百尺水高樓櫓楚國木猴齊國鼠
公然蛇豕勢莫禦夜宿鍾山夢彌惡驚聞大母遊冥漠
有淚莫灑向天落匹馬騰飛走陽朔焦侯挽之不入幕
神黯伏波山莫莫公孫始至桂林時相國千秋正屆期
跪進一觴涕交頤王父撫之喜可知曰是吾家千里駒
跋山涉海等平夷爲我一一詳陳之文拜曲折前致詞
其事艱危其志悲誰爲歌者傳來茲永歷三年史氏詩
書壽明粵行紀後一百二十四韻 桐城方以智
我讀粵行紀長歌三四閱此事入青史金石可以鐫中

興賴吾守功高齊業辟浮海來公孫公孫洵人傑自從
撫粵軍邦家悲机桎卷地騰風波陸谷變凹凸五載田
園傾支措餘穹室省親代父母望雲眼可抉伶仃一書
生艱難愁蹙躋孤身萬餘里出門何其決戊子臘月朔
從此負羈紲適有劉文華具舟相提挈吹簫算資斧囊
不滿三錡南屏叩老僧傾窠倒衣襖蒿埧脫綠林天台
遭雨雪兩足凍入髓五更尤凜冽乘黑衝毒霧夜飯裹
麥粥十日見甌城旅舍相逢瞥同盟趙秋屋先已過東
浙接得高堂信回顧心惓惓劉君歸取資拾薪晨自爇
且復畏關津縮首苦日惓喜遇新安商响沫扶子子因
入沙埕關里巷儼巾櫛便附安海艘火島望中茂晦靄
指高州音塵海外截石井復開帆黑洋風暴颶洪濤撼

天地喧阗心膽裂悲嘯驚蛟龍汨影歎魚驚河伯眞望
洋海賦信樽初幼安能從容恭祖免差跌仗底東北風
正柁救漂激得泊吳川港陸程有前轍五月至蒼梧翹
首鶴鳴埵覓船叩郡守探札自藩臬訛言桂林省烽燧
正侵軼趙子請先行郡齋息疲爾翼日繡衣請藍縷羞
唼唼始覩王父書綢繆桑土徹整衣催擢楫水漲溢堤
埽一夜三十丈閘市淹振楔突擁控弦兵洵虜如草竊
蛇豕蕩神州荼毒存餘孽避焰向封川徒步猛趨蹶小
道通臨賀茅簷伴棲堞荒村久畏兵柴荆半扁鑰盛暑
喘赤日雨汗雜流歎迺抵昭江郡重趼力已竭桂林聞
孫來倚門望日眈大母更焦愁病中數驚矚豈爲在大
墟遂此先永訣聞言仰天號奔馳探前跌旣至拜王父

齊衰牡麻經千涕復萬語左右助鳴咽援筆記其事中
間甚曲折我歎公孫來春秋大書揭今復惠前綬負笈
入岷嶓盤辟親把臂英氣露頰頰倜儻非常流躡躡所
不屑手持詩與書腰佩環與玦暇日登高樓三月聞鶻
鴟家鄉生遠念人生痛離別飛蓬自相依芳草薄言擷
開卷激中懷發聲淒以切申鑒寫忠耿離騷託隱謫忤
時隘鸚鵡對酒唱蜻蛚披襟共談論半酣耳後熱每嗟
世家子純綺交相媒薰衣襲芬芳甘脆間莼葢空發庾
信哀或謂桓曄拙隱忍守妻子飲水菽可啜胡爲冒險
阻獨行投學毀摩穹識大鵬歷塊見騏驎子有曠代姿
志在古人列出入神鬼間驅走豺狼穴肝膽攝雷電眼
光射虹霓且以武侯臥揣摩蘇張舌博浪椎可中霽雲

指可嚙努力報天子晝夜當衣鐵挽弓三四鈞箭中刀
自掣騎射壯九井北園歌駟鐵下馬作露布燕然擬碑
碣盟主奉銅盤誓神骨蕭炳一家旣許國庶士咸有竭
長安在嶺表刻圭冕用驚組綬何纍纍繁華紛綵纈公
孫視之笑薦紳母乃褻太興殊寬容元康未綜覈安仁
枉望塵大連惜剛訐痛飲哀顧榮賈禍憐郝絜鷗鷄善
啣矢鬼蜮互蒙蠚客誰贈撲滿器誰鑒饕餮倉卒難整
暇苟且爲明哲民苦南塘出又傷西柝揭荒謬斷牛犢
披野網繇繇羈縻賤茅土除妖藉桃菊元龜禱於閒著
策盟手揅不才分溝壑不食畱井渫遣閒布聲靈蠟書
愁漏泄棟梁悲於忽何況本案稅幸未染□□殊難調
麴葉瞿氏在天下泰山視崑崙文章與事功後代稱殊

絕西粵有天柱作屏開灌樹畱此虞帝祠奇功比禹尚
天自祚本朝沸海會澄澈元勳第一家祖孫盛閭閻東
堂興禮樂抱經講綿蕝請爲知己言吹劍首者映長嘯
掩胡笳唾壺不待缺但書忠孝字此字定不滅山人感
殊恩病骨傷薄劣得子凌雲氣俯仰心相結鞭弭想夷
門三徑甘耄耄細席垂布帷華筵自當撤療飢烹伏雌
肴藪采蕨藟山麓起沙塵緇衣不愁涅枕石漱流泉澗
溪願芳潔上下觀古今古今多奇節南宮丹青畫本爲
君家設竚望還故鄉髮膚有餘烈賜宴歸雲莊九原欣
然悅男兒自有心一斗千秋血何必急錚錚漫與時人
說

金公贈言

壽明居士以己丑省大父畱守相公于桂林人稱
至孝一時縉紳先生皆爲歌詩以道其美余曩廁
俗士亦有五言一篇壽明旣于患難中失去余又
以行腳棄諸草稿頃來東臯索補前作瀕行書此
併爲敘別

我行天下未見逸格之人才猶記桂林畱守有公孫芒
鞵萬里兵中來出門不與父母訣仗劍能使豺狼聞天
子召對大獎歎特爲史館儲鹽梅一朝東西粵俱陷辭
君覓祖不可見手扶旅櫬返家山歸見高堂淚如霰人
生大事孝與忠祖孫父子非同同子身所遇寧小故磨
橫骨縱疑追風我來東臯作佛護秋風颯起思歸宗三
峽橋頭應迴首意氣昔年今在否昔年筆墨常怒號于

今語默憑松濤黑風一陣遺稿盡似卷老杜三重茅我
自亡書不解憶補瘡剝肉難相饒嗚呼翰林門第世清
貴那堪薄俗驅兒曹南天未易豆子熟手勾不著攬槍
高八月八九雙進酒伏波盛事何蕭條入日畱守相公
生辰時會于東日堂山僧有舌無可鼓慚惶前路貽綈袍燈影圓
光徑一尺欲寫不可長太息去年死卻趙延年扇上歌
行如昨日萬事傷心較亦多眼明眉暗終奈何不如歸
臥樓賢谷石上安草挂綠蘿

甲午中秋前五日借山今釋書於東臯之天香閣

贈趙君秋屋舊作

小人結交千黃金君子結交方寸心側聞磊落趙夫子
一身許友以生死死生得失有公私差之毫釐失千里

拔劍彈冠趨勢利一腥一羶皆螻蟻當時密約通鬼神
千秋片念惟君親爾如不得有其祖我則不敢有其身
爾得我存忠與孝我得爾成義與仁兩人相成不相謝
鐵人石心不可化短衣赤腳虎狼塗雪徑危舟風雨夜
公孫承恩初入朝目輕海水無江濤爲我兼說劉將軍
不覺古誼秋旻高引燭欲燒游俠傳人間意氣空麤豪
相將道德和且平比之管弦如簫韶病夫欲舞不能起
一夔之足安能逃短詆塞責當風謠

庚寅五月梧州行在所戊卒金堡具草

贈趙子秋屋

我孫欲西來意猛天無極信陵尙有需孺子詎生翼慷慨
俠士心密商吐微臆風雪滿關山遑慮路荆棘出門誓不

移芒鞋見神力瘴海同生死蠻鄉共出入倉茫岐路間離
合尤奇絕其初不輕諾厥行乃肫切忠孝固有緣意氣託
深識不謂古人槩同時賴扶掖天子聞其名嘉與異稠密
紛紛布網羅此足謝偏側吁嗟少年行一歌不再得

方山子歌

高生方山單名冠才優學贍心骨寒古人迂拙今人巧方
山寧以迂而安從余西來乙酉歲余來適與潛彞會慷慨
偃疆身瀕危方山曾不爲余悔落落難投世上兒恰與樸
鈍差相宜高文奇論如炙穀不數徐庾更潘陸使我晨起
嘗輟沐夜坐還應費燈燭三徑思營怕折腰端州廣文聊
首藉故人子暇更相畱別我不得相追逐漳州鐵馬動地
來大郡堅城相次推端州峽口鳴鑄飛端州城裏官長稀

廣文先生倡城守徘徊不去心獨癡
難寄托依龍水漢儀復見衣冠偉
孤標已被聖明知傲骨肯屈權門裡
振衣長嘯向西來故人依舊灘江涘
別離三載見霜毛啣杯作詩意氣驕
與君甲子共秋日相看已老心猶豪
嗟哉方山才不易何不金門謁見抒
奇志不然遨遊五侯間高車肥馬
真得意何爲甘作江海人頭上依然漣酒巾
方山方山歸去來與爾同食東臯蓴

牂柯行贈程金一司馬

西州勝概屬牂柯夜郎左繞右岷峨
建瓴俯視巴江沱三年戰伐風雲多
憶昔關前陣塵起撒喝西來風雨靡
劉錫已潰流軍死東川相次無堅壘
天子日咨爾臣源作爾司馬臨囊弭
簡書廩廩從南來九杵山前雲欲開
眼中豪帥

如嬰孩單騎指顧何徘徊援袍一鼓軍氣回
口兒夜遁鳴笳哀叩壁河陽降大將萬炬驚焰韓公堆
菖蒲塘上春草碧渝州城下吹龍箏將軍意氣平
兩虎司馬丹誠天爲泣西山高高沅水寒
口馬重來戰血殷南寧錦江多健兒誰挽旌旗向楚關
嗚呼司馬淚成血漢軍水上重成列六詔奸人欲啟兵
關西豪將不可令司馬風駕浪江至淋漓反覆開忠義
疆場事苦憂根本眼明手快英雄氣傳聞五兩到端州
深計應分宵旰憂嗟我衰顏已白頭左顧右盼心悠悠
軍資百計勞貔貅趙開劉晏誰與籌芻言時告廟堂謀
願藉賢者抒我愁

一時三烈歌

黃雲黯黯悲風起犬羊聲撼孤城圯
血性男兒尙披靡何

况區區弱女子，況有芷兮澧有蘭。三秀三生豈無自，厥父錚錚鐵丈夫。霽雲索兵欲截指，平原已二睢陽傾身被羈。因尙裂背平生意，氣閉閣諸義不受辱。盡如此生性幽貞，教訓多相約清泉。一時死長者春風芍藥吹，次兒螺髻未垂耳。廖家有女嬪于宗一派金枝匪凡葉，銀瓶上下堪應酬。聯翩慕義尤難比，蘭摧玉折香光留。羞殺臙脂井中水，此事當年心義之。叩闔已得君王旨，揚芳計建井邊坊。應有新詩彰厥美，一時三烈足千秋。鬚眉之人滋愧矣。

小東臯詩四首

有序

江東對伏波山有林一叢，晚曖虧蔽已丑。秋日訪別山于隔岸小樓遙望，見之欣然欲往。時余正爲亡妻覓權厝之所，就而觀之，有屋三楹半毀于兵。

矣鳩工葺之復爲編籬拓圃遂成一宅乃昇靈輶
厝焉水色山光晨夕供養每一憩止心曠神怡竟
忘身之在粵西矣別山顏之爲小東臯子喜其深
合吾旨也漫題紀勝

隔水羣山則望收雙峯離立刺人眸

伏波獨秀
兩山並峙

平林織霧

疎還密古樹干霄老更適風雨破窗堪伴寂菰蘆小隱足
忘憂天公佚我畱茲地何必希踪五岳遊

十畝閒閒願太豐三間茅構水之東庭前檜影猶畱月枕
上灘聲好送風靜把殘編消永日喜尋幽事問村翁垂垂
屋角霜包柚點綴繁華冷翠中

繞郭臨江別一丘門無車馬但通舟揭來秀色侵書幌
有清芬入茗甌烟火出村嗟有子桑榆蔭畝笑何求虞峯

咫尺家何在每對南薰一散愁

劫火猶存半畝園誅茅卜築小江村幽棲覓伴思羊仲偕
隱無人羨鹿門漫說家山歸病骨且依客土寄芳魂青螺

疊疊當牕列籬畔還看竹有孫

時文孫航海
初至桂林

小東臯雜詠四首之二卽用前韻

層層嘉蔭草堂收纔涉林臯便豁眸遠岫雲開松影落嚴
城風靜角聲遒擬將讀史消長日無復談時起百憂高臥
元龍荒榻畔逍遙汗漫此中遊

心殷國恤望年豐杼柚何堪大小東草閣愛聽蕉葉雨柴
門遠送稻花風濁醪慢酌歌田舍野鳥忘機看海翁指日
烽烟消禹甸荒村雞犬卽雲中

和別山韻哭何中湘文節王

諱騰蛟號雲
從黎平人

封疆邊腹總艱辛此日純忠孰與倫屈指五年新日月傷
心三戶舊臣民麒麟塚上笳催雨龍虎關前甲嘯憐恍惚
英靈看殺賊肯容姑待再來身

星沙單騎儼羣雄異類傾心願效忠事業盡從難裡做身
名久向死前空千秋箕尾依天壽異姓河山迄武功自痛
執鞭中道棄論文尊酒哭江東

贈別錢馭少東歸

秋雲有意護南枝八月乘槎奉使時江漢再逢天詔到山
川莫恨蠟書遲荒原祖道吹笳急名士高吟介馬遲爲語
山東諸義士二陵風雨繫人思

影落旄頭殿自消天涯宮闕豈遼遼君王早鑒蘇卿節父
老應思萬歷朝嶺海龍旗知迅速陰山雁帛莫迨遙孤臣

無限江南恨，但道衰顏尚未凋。

庚寅元日感懷二首

靜掩蕭齋日似年，一函秘笈一爐烟。
曉看雲物綠憂國，夕簡封章可告天。
守土幸寬譏伴食，餘生惟願乞歸田。
東風翹首梅花裏，一夜春回散九邊。

株守荒城年復年，何時禊掃息狼烟。
郊原寂寂無青草，瘴霧漫漫掩碧天。
但聽馬嘶先罷市，何來牛種問耕田。
瞻依舜日悲衰老，清淚潸然到枕邊。

和密之七夕韻二首

五岳何年一縱遊，拚將殘骨向崖投。
半生濁夢完前劫，萬里狂波只漏舟。
好夜因風隨月泛，孤松倚石看雲流。
胸中帶得烟霞氣，縱入愁鄉不解愁。

極目天涯已倦遊夕陽林鳥自來投平居每笑東山屐千載猶傳少伯舟甲滿黃沙徵昔夢身依白社卽名流風塵迴首餘生再休把騷經動客愁

余爲諸生夢神人告以詩二語曰西風吹落日戰甲

滿黃沙全州有黃沙時已告陷故特志之

短歌贈吳鑑在

龍眼有詩人麻鞋到端水當時授儀曹朝客爲倒屣桂林特賜惠文冠全陽折檻驚朝端直指此地又三載刀鋒箭簇君不改君有詩人手又有諫臣骨揮手作詩見君心剗心上可灑日月此地陽朔酒耳熱堪十斗請君歌爲君壽上言努力爲名臣下言明歲同作還鄉人

庚寅八月方密之相國四十初度敬賦二律申頌促

其入朝以慰聖眷

領袖中郎望絕班先朝廷對破龍顏金門據地名原重寶
冊開天鼎再還東壁文章傳日下西山風雨在雲間爲君
置酒兼成頌須及鑒輿早出關

生來便已慕東方不死神仙酒百觴海外絲綸煩上相人
間書籍問中郎魂依北道旌旗側身近南樓嘯咏旁爲語
謝公高臥久承恩四載急從王

瞿忠宣公集卷八終

後學婁東顧錫麒校字